

**12. ՔՊ համազգեստի լրակազմ** – Համազգեստը բաղկացած է տաքատից, բաճկոնից, կեպիից և ուսադիրներից: Գործվածքի մակերեսային խտությունը 215 գրամ/մ<sup>2</sup>, բաղադրությունը՝ 49±2% պոլիէսթեր, 51±2% բամբակ: Գործվածքի տեսակը՝ <<Սարժա>>, ներկման մեթոդը՝ <<Ռեակտիվ>>, անջրաթափանց, գույնը՝ մուգ կանաչ (խակի):

**Բաճկոնը**՝ միալանջ, կոճկվում է կենտրոնական կոճկվածքով՝ 5 օղակ կոճակներով, որոնից վերևից առաջինը բաց կոճկվածքով, իսկ մյուս 4-ը գաղտնի: Բաճկոնն ունի 5+/-0,5սմ լայնությամբ, ծալովի, ուղղանկյունաձև կանգունակով օձիք, որի միացման կարում մշակված է կախիչ: Առաջամասում մշակված են 4 ծավալուն գրպաններ՝ կափույրներով, որոնցից երկուսը կրծքամասում, երկուսը առաջամասի կողային հատվածներում: Ուսադիրների ամրացման համար ուսակարերի շրջանում մշակված են 2 կամրջակներ և 2 փակօղակներ:

Կրծքամասի գրպանները՝ 14+/-1սմ լայնությամբ և 16+/-1սմ երկարությամբ, տեղակայված են կենտրոնական ուղղահայաց կարից 2+/-0.5սմ հեռավորության վրա: Կրծքամասի գրպանների կափույրների վրա՝ ստորին եզրից 1սմ հեռավորությամբ, կարվում են 13X2.5 սմ չափսով սև գույնի կաչուն ժապավեններ: Ձախ գրպանի կափույրի վրա տեղադրվում է 13X2.5սմ չափով՝ վրան բաց շականակագույն/բեժ թելով ասեղնագործված «արյան կարգ»-ը տարբերանշանը: Կափույրները գրպաններին են ամրանում երկուական կաչուն ժապավեններով: Կրծքամասի ձախ գրպանի կենտրոնում՝ ստորին եզրակարից 2սմ բարձրության վրա ասեղնագործված է ՀՀ ԱԻՆ խորհրդանշանը՝ շրջանաձև, ծսմ տրամագծով:

Առաջամասի կողային վրադիր գրպանները՝ 16-17սմ լայնությամբ և 19-20սմ երկարությամբ, ծավալուն, կափույրների լայնությունը 6սմ: Գրպանները տեղադրված են բաճկոնի ներքին եզրից 3սմ բարձրության վրա, կափույրներին ամրանում են երկուական 3X2.5սմ չափի, սև կաչուն ժապավեններով: Գոտկատեղում մշակված են 4 սմ լայնությամբ 2 ախլակներ՝ իրանի չափսերի կարգավորման համար, կոճկվում են 1 օղակով և 2 կոճակով:

Թևքերի վերջավորություններում մշակված են ուղղանկյունաձև պատաներ, որոնք բազկակալում կոճկվում են 1 օղակով և 2 կոճակով: Աջ թևքին՝ ուսագլխից 8սմ ներքև՝ ՓԾ թևքի տարբերանշանը, ձախ թևքին՝ ուսամասից 3 սմ ներքև, ՀՀ եռագույնը ուղղանկյուն՝ ներքևում գրված «ՀԱՅԱՍՏԱՆ», որից 1 սմ ներքև ասեղնագործված է ՀՀ ԱԻՆ խորհրդանշանը, որն ամրացվում է կաչուն ժապավենով:

Տարբերանշանների գույները համաձայնեցվում են Պատվիրատուի հետ:

**Տաքատի**՝ ուղիղ ձևվածքով, մշակված գոտիով, առաջամասում կողային թեք ներկարված գրպաններով: Գուլֆիկը մշակվում է շղթայով, գոտու մասում կոճկվում է մետաղյա կեռիկով և մեկ կոճակով: Գոտին մշակվում է 6 կամրջակով և գոտու չափը կարգավորող 3սմ լայնությամբ և 8սմ երկարությամբ ներկարված 2 ախլակներով՝ իրանի չափսերի կարգավորման համար, կոճկվում են 1 օղակով և 2 կոճակներով: Տաքատի կողային հատվածներում՝ ծնկամասից վերև, մշակված են ծավալուն (եռաձալ) վրադիր գրպաններ՝ 20+/-1սմ լայնությամբ և 22+/-1սմ երկարությամբ, կափույրներով: Ծալքերի լայնությունը 3սմ, ներքևից 1,5սմ ամրակարված, իսկ գրպանի վերնամասը (բերնը) մշակված է 1սմ լայնությամբ զարդակարով: Տաքատի ետևամասի աջ կողմում ներկարված է 15X15սմ չափսի գրպան՝ կափույրով: Կափույրները կոճկվում են երկուական սև գույնի կաչուն ժապավեններով:

Համազգեստի միացման բոլոր կարերը իրականացվում են շղթայական փակ գույգ կարերով: Համազգեստի կոճակները՝ 18մմ տրամագծով, 4 կարանցքերով, եզրերը թեք անկյան տակ երկկողմանի հղկված, երկկողմանի կարվող, գույնը սև:

**Կեպին՝** աստառով, կազմված կոշտ հովհարից, միջնամասից, կողմասերից և հատակից: Կողմասերը մշակվում են առնվազն 3մմ հաստության սոսնձային կտորից միջադիրով: Հովհարը միջադրված է առնվազն 3մմ հաստության պլաստիկ, ճկվող միջադիրով և միանում է գլխարկին կտորի կողեգրերով: Հովհարի եզրից 1սմ խորությամբ մշակվում է զարդակար: Կեպիի կողային մասերի կենտրոնում մշակված են մեկական անցքեր՝ օդափոխության համար, ասեղնագործված եզրակարով:

Գլխարկաբուրքի բարձրությունը ճակատային մասում՝ սկսած 54 չափսից 7,5սմ, հաջորդաբար յուրաքանչյուր չափսին ավելանում է 2մմ: Ծոծրակամասի բարձրությունը՝ սկսած 54 չափսից 8,2սմ, հաջորդաբար յուրաքանչյուր չափսին ավելանում է 2մմ (թույլատրելի շեղում +/-1մմ): Գլխարկաբուրքի կենտրոնում մշակված է խորդրդանշանը՝ շրջանաձև, 56+/-1մմ տրամագծով: Գլխարկաբուրքի դիմային ստորին հատվածով անցնում է 20+/-2մմ լայնությամբ ժապավեն: Հետնամասում երկկողմանի մշակված է բաց շագանակագույն պլաստմասե չափսի կարգավորիչ: Աստառի ճակատային մասը մշակված է 5.7X4.5սմ չափի արհեստական կաշվով: Գլխարկահատակի կենտրոնում դրոշմվում է չափսը և արտադրողի անվանումը:

**Համազգեստի չափսերը՝ կտրամադրվեն պատասխանատու ստորաբաժանման կողմից՝ յուրաքանչյուր խմբաքանակի մատակարարումից առնվազն մեկ ամիս առաջ:**

Բաճկոնի և տաբատի ներսամասում մշակվում է խնամքի վերաբերյալ պիտակ՝ վրան նշված Արտադրողի անվանումը, Չափս-հասակը, Լվացքի մեքենայով կամ ձեռքով լվանալու ջրի ջերմաստիճանը մինչև 30°C: Լվանալ գունավոր հագուստի համար նախատեսված լվացքի նյութերով: Պարզաջրել գոլ ջրով, չքամել, անհրաժեշտության դեպքում արդուկել ցածր ջերմաստիճանով: ԶՕԳՏԱԳՈՐԾԵԼ ՍՊԻՏԱԿԵՑՆՈՂ ՄԻՋՈՑՆԵՐ. ՊԻՏԱԿԸ Զ՛ՀԵՌԱՑՆԵԼ

Փաթեթավորումը սովորաթղթե արկղերով, արկղում յուրաքանչյուր լրակազմը պոլիէթիլենային պարկով: Արկղերը և պարկերը պիտակավորված՝ պիտակի վրա նշված տեսականու անվանումը, քանակը, չափս-հասակը, արտադրողի անվանումը: Կեպիներն առանձին արկղերով չդեֆորմացված, առանձին շարվածքով: **Մատակարարման ժամանակ ներկայացվում է համապատասխանության սերտիֆիկատ՝ գործվածքի բաղադրության և մակերեսային խտության վերաբերյալ, տրված արտադրողի կողմից:**

**Ուսադիրների** միջադրված հիմքը անջրաթափանց կրկնակի սովարաթուղթ՝ ստորին շերտը առնվազն 1.8մմ, վերին շերտը 1մմ:

**Ավագ սպայական կազմի ուսադիրների** վրայով անցնում են բաց շագանակագույն/բեժ, 4մմ լայնքով երկու ժապավեն՝ ուսադիրի երկարությամբ, որոնք մշակված են կողային երկու եզրերից դեպի ներս՝ 1,2սմ հեռավորության վրա: Ուսադիրների վրա տեղադրված են 20մմ-ոց աստղեր՝ կոչմանը համապատասխան:

**Կրտսեր սպայական կազմի ուսադիրների** մեջտեղով անցնում է բաց շագանակագույն/բեժ, 4մմ լայնքով ժապավեն՝ ուսադիրի երկարությամբ: Ուսադիրների վրա տեղադրված են 13մմ-ոց աստղեր՝ կոչմանը համապատասխան:

**Ենթասպայական կազմի ուսադիրներին** տեղադրված են 13մմ-ոց աստղեր՝ կոչմանը համապատասխան:

ՓԾ կոչումը	Աստղերի քանակը / հեռավորությունը կենտրոնների միջև՝ մմ	Երկայնական ժապավենների քանակը	Աստղի նկարը
Գնդապետ	3 / 25	2	
Փոխգնդապետ	2 / 25	2	
Մայոր	1 / -	2	
Կապիտան	4 / 25	1	
Ավագ լեյտենանտ	3 / 25	1	
Լեյտենանտ	2 / -	1	
Ավագ ենթասպա	3 / 25	-	
Ենթասպա	2 / -	-	

**Շարքային կազմի** ուսադիրների վրա կարվում են դեղին ժապավեններ աղյուսակում նշված չափերին և քանակներին համապատասխան:

ՓԾ կոչումը	Ժապավենների քանակը / լայնությունը	Ուսադիրների երկարությամբ ժապավենների միջև ընկած տարածությունը (մմ)	Ուսադիրների ստորին եզրից մինչև ժապավենն ընկած տարածությունը (մմ)
Ավագ	1 / 14մմ	-	-
Ավագ սերժանտ	1 / 14մմ	-	-
Սերժանտ	3 / 4մմ	2	25
Կրտսեր սերժանտ	2 / 4մմ	2	25
Շարքային	-	-	-

Ուսադիրների հակադարձ կողմը պատված է 0,15-0,2մմ հաստության պոլիվինիլքլորիդե /ՊՅԽ/ թաղանթով, ներքին եզրից ուսադիրի երկարությամբ ամրանում է նույն նյութից ամրացման լեզվակը, որի վերջնամասում՝ եզրից 5մմ դեպի ներս արվում է կտրվածքով 5մմ տրամագծով անցք՝ ուսադիրի ամրացման համար: Ամրացման լեզվակի լայնությունը 2,5սմ: Ուսադիրի հակադարձ կողմից, ներքին եզրից դեպի ներս 3-4սմ հեռավորության վրա ուսադիրի լայնությամբ մշակված է 2սմ լայնքով պոլիվինիլքլորիդե /ՊՅԽ/ թաղանթից կամրջակ, որի միջով անցնում է ուսադիրի ամրացման լեզվակը:

Ուսադիրների երկարությունը՝ 13 և 14սմ +/-0,2սմ, իսկ լայնությունը՝ 5+/-0,2 սմ: Ուսադիրների վերին եզրից 0,8-1,0սմ հեռավորության վրա՝ կենտրոնում, մշակվում է 0,5սմ տրամագծով անցք:

Փաթեթավորումը գործարանային արկղերով, մեկ արկղում՝ 50 զույգ: Արկղերը պիտակավորված, պիտակների վրա նշված տեսականու անվանումը, քանակը, մատակարար կազմակերպության անվանումը, արտադրման ամիսն ու տարեթիվը:

Աստղերը այլումինե համաձուլվածքից, ուռուցիկ հնգաթև, ռելեֆավոր, հարթանիստ, տրամագիծը 13 և 20մմ՝ պաշտպանական գույնի (նկար): Աստղը փակցնելու համար ներսի կողմից ամրացվում է արույրե 0.5մմ հաստության ճկուն թիթեղից 15մմ երկարության բեղիկներ:

Ուսադիրների քանակներն ըստ կոչումների կտրամադրվեն պատասխանատու ստորաբաժանման կողմից՝ յուրաքանչյուր խմբաքանակի մատակարարումից առնվազն մեկ ամիս առաջ: